





2 III III

Georg 871

+



Georgs-B.

404





19. 17. 18



**Der sechs  
vnd dreyssigst psalm**

Dauid eynen Christlichen  
menschen zu leren vnd  
trösten widder die  
mutterey der bö  
sen vnd fre  
ueln  
gleyfner.  
Martinus Luther.

Wittenberg.  
M. D. XXiii.





Dem armen heufflin Christi zu  
Wittemberg Doctor Martinus Luther.

**N**ad vnd frid von Gott dem vater vnd Ihe-  
su Christo vnserm herin / Amen. S: Paulus  
da er an vielen orten gepredigt / in gefangen  
war zu Rom / lies er doch nicht seyn sorgen  
für die so er bekeret hatte mit bitten zu Got mit  
trosten vnd stercken ynn schrifften / wie das auswey-  
sen seyne Epistel. Dem selben exempel nach / Synte  
mal keyn zweyffel bey vns ist / das wyr von Gottis  
gnaden / das recht lautter Euangelium gehöret vnd  
erkennet haben / wilchs Gott gefellig gewesen eyns  
teyls durch mich armen menschen euch zu eroffnen /  
sol vnd kan ich auch nicht on sorge seyn / das nicht  
wolffe nach myr komen ynn den schaffstall / vnd wie  
wol / von Gottis gnaden an meyne stadt yhr habt so  
viel andere das myr solch sorg on nott were / foddert  
doch naturlich / des Euangelij gunst / auch vberige  
sorge zu tragen / wir sind noch nicht wirdig / zu vor ich  
leyder / das wyr etwas leyden mochten ymb der war-  
heyt willen / denn alleyn vngunst / hass / neyd / laster  
wort / schmach vnd schande / von den Papisten / wie  
wol / so Got nicht bisher hette widerstanden so viel  
an den blutdürstigen seel mördern gelegen / wern wir  
lengist von yhnen wie David sagt psal. cxxiiij. Mit  
zeenen zurrissen / darumb ist vnser leyden noch nicht  
höher komen / denn das sie vns Wiglelisten / Duffis-  
ten Ketzer / vñ auffß aller schendlist ausschreyen / vñ so  
sie nicht mehr vermügen ynn vns / bussen sie die weyl /  
yhren mutwillen an vnserm namen vnd Christlicher  
ehre / Aber las gehen / lieber mensch las gehen. Er ist  
droben der es richten wird / wyr mugen vns von got-  
tis gnaden rümen des sie sich bisher ynn yhr hertz  
müssen

muss  
nie g  
der b  
ck be  
höre  
cht f  
feynd  
vnser  
für d  
giste  
lere z  
Zu  
yhr w  
ten / v  
geho  
so ho  
verzey  
wilch  
es w  
versu  
derru  
stend  
sonst  
die z  
vnd n  
man  
Nu  
ich ni  
Gott  
troste  
zagt n  
armen  
gen /  
das li



müssen sehen. Nemlich das wyr das liecht noch  
nie geschewet haben/wilchs sie bisher furchten/wie  
der böse geyst das gericht/Sie müssen on yhren dan-  
ck bekennen / vnd mit grossen schmerzen vnd leyd  
hören/ das ich mich nu zu drey mal gestellet hab / ni-  
cht für meyn freund / sondern für sie selbs / meyne  
feynde / mit erbietung vsach vnd grund zu beweyßen  
vnser glawbens. Nemlich zum ersten zu Auspurg  
für dem Cardinal / gleich für dem vbirsten meynen er-  
giste feynd / der nichts so fast floch / als vsach meynen  
lere zu hören / vñ lieber gesehen / ich wer nicht komen.

Zum andern bin ich zu Leyptzick gestanden / wie  
yhr wisset / für denen / die vns nicht woll sehen möchs-  
ten / vñ dennoch alle yhrer mutwil vnd list / sie nichts  
geholfen. Zum dritten itzt zu Worms / da ich mich  
so hoch erbotten das ich mich Keyserlichs geleydes  
verzeyhen vnd meyn leben dreyen ergeben wolt. O  
wilch eynen spot haben sie da eyngelegt. Ich hoffet/  
es wurden mich daselbs bischoff vnd doctores recht  
versucht haben / so war die meynung / ich solt nur wi-  
derruffen. Gott gab gnad / das nicht alle fursten vnd  
stend / yn solchem furhalt verwilligten / ich het mich  
sonst Teutschis lands zu todt geschemet / das es sich  
die Bepstischen tyrannen / so gar gröblich lies effen  
vnd neren. Es war alles der feynd getreib / wie yder  
man weys.

Nu sehet / solch drey erbietung vnd erscheynung rüñ  
ich nicht als von vns geschehen / sondern das wyr  
Gottis gnaden erkennen / erheben vnd vns auff yhn  
trosten vnd trotzen / der vnser feynd so blöd vnd ver-  
zag macht / das sie alle sampt nicht so keck sind eynen  
armen betler / mitten vnter yhren henden fegenwertis-  
gen / zu hören odder zu bestreytten / sondern fliehen  
das liecht wie die fledder meus / vnd wie die nacht ras-  
a ij ben /



ben/heulen sie /vhu vhu ym finstern /meynen vns da  
mit zu schrecken/wenn solten sie so kuhn seyn/das sie  
odder yhr eyner auch zu vns gen Wittenberg keme/  
vnd des gleychen erbieten vnd verhöung furtruge/  
wilchs yhn doch nicht alleyn gar feyn anstund / als  
denen/die sich yhres kunst vbir vns vber die mas rü-  
men/auff das eyn mal erkand wurd / wie yhr kunst  
nicht ym geschrey des hals / sondern ym kopff vnd  
hyrn gefasset were/ia die weyl sie richter vnd hirtten  
sich auffwerffen vnd vns so frey vrteylen/sind sie sch-  
uldig vns zu bestreytten / zu vns zu komen vnd yhren  
glawben menlich verfechten/aber was thun sie? Sie  
sind der gröste hauff/wyr der kleyne. Sie sind vnser  
mechtig/wyr vnterthenig. Sie sind die gelertisten/  
wyr die yngelertisten/sie sind die Ehrlichstten/wyr  
die ketzerischen / dazu ob sie sich fürchten / erbieten  
wyr yhn geleyd/frey kost vnd herberg ann/vbir das/  
bitten wyr sie vmb Gottis willen/das sie sich an vns  
berweyssen/der hilfft keynis / Sondern bleyben alleyn  
bey yhn selbs vnter yhres part/da schliessen sie/da rich-  
ten sie/da verdamnen sie/on alle verhöung des wid-  
der parttis/sprechen vnd schreyen darnach / sie seyn  
redlich Christen leut/die da Ehrlich handeln / da  
ist keyn styren die sich schemet. O wie musten vnser  
oren klingen/wenn sie dises rumes/eyn kleyne quentlin  
mochten widder vns auffrichten / wo musten wyr  
arm leutt yhr schandtreger seyn. Aber yhr schandtra-  
gen müssen wyr yhn für ehre vnd preys halten. O des  
elenden betrübten verlassenen Ehrlichen glaw-  
bens/der solch schochtere fledder meuse vnd liecht  
heffige/feltfluchtige beschirmer hat/die nur mit sch-  
reyen vnd rümen ym sand hoffirn/wo sie alleyn sind/  
vnd wo nur eyn eyniger widder parttiger mensch er  
für blickt zu winckel kriechen wie die meuse.

Vnd so

Vn  
zu etli  
sen bu  
schan  
mucke  
ber eb  
We  
nen v  
deln/i  
zu hab  
on sch  
tröster  
vnd le  
haben  
chen/  
len/g  
Vn  
armer  
mens  
lerten  
gemu  
zu sch  
cht en  
ich nic  
geysti  
ich my  
wie S  
vnd d  
tzen gl  
fast e  
lieblic  
zorns  
Synt  
nicht



Vnd so das allis sie nicht helffen mag / richten sie  
zu etlich lose gesellen / die mit laster schrifftten vnd bö  
sen büchern vns an tasten / ynn hoffnung / solch yhr  
schand fur dem gemeynen man zudecken vnnnd sch  
mucken / ob sie wol wissen / das die selben yhre schrey  
ber ebē zur sach geschickt sind als der esel zur harpfen.

Weyl denn sie mit schrifftten gestossen / sich erkens  
nen vntuchtig mit schrifftten ynn dem liecht zu han  
deln / ist bynsfurt den armen menschen nicht fur vbel  
zu haben / das sie doch yhr schande mit viel schreyben  
on schrifft / vnd mit fluchen / lestern vnd maledeyen  
trösten / darumb wil ich sie sich lassen müde bluten  
vnd lestern / ist gnug das wyr schrifft / sie nicht schrifft  
haben / wyr auff den plan tretten / sie ynn winckel kri  
chen / wilch ehre wyr yhn / weyl sie nicht anders wol  
len / gerne gonnen.

Vnd das ich widder auff die ban come / weyl yhr  
armer hauffe musset mit myr die marter vnsers nas  
mens tragen / von den hoch berumpten vnd hochge  
lerten hasen mennern / vñ yhr nicht alle gleych starcks  
gemuts sey / hab ich furgenomen eyn trost brieffle  
zu schreyben / das yhr euch fur den hasen paniern nis  
cht entsetzt / ob ich nicht bey euch sey . Aber die weyl  
ich nicht der man byn der als S. Paulus aus eygen  
geystis reychtumb kund schreyben vnd trösten / hab  
ich myr furgenomen die schrifft die voller trostis ist /  
wie Sanct Paulus sagt Ro. xv. Nemlich den sechs  
vnd dreyssigsten psalm zu verdeutschten vnd mit kurt  
zen glosen euch zu senden / wilcher meynis dunckens  
fast eben zu diser sach sich reymet . Denn er zu mal  
lieblich vnd mütterlich schweyget die bewegung des  
zorns / gegen die lesterer vnd mutwillige freueler.

Syntemal es naturalich wehe thut / so die vbelthetter  
nicht alleyn lestern nach alle yhrem mutwillen / sons



dem auch recht haben vnd ehre dauon tragen wol-  
len/dazu eyn zeytlang schleunig sind/bis das yhr tag  
kompt. Es soll aber niemant yhm eyn zweyffel  
dian machen / das vnser widder sacher der art sind/  
die ynn disem psalmen gescholten/vnd wyr die/die  
darynnen getröst werden / denn wyr von Gottis  
gnaden / bey der schrifft stehen vnd yhren verstand  
haben/fur wilchem yhene sich fürchten / schewen/  
fliehen vnd doch mutwillig die warheyt lestern / las  
sie nur faren/weren sie die gewesen / die der warheyt  
würdig weren/sie hetten aus so viel meynen schrifften  
sich lengist bekeret/ Ich lere sie / so lestern sie mich/  
ich bitte sie/so spotten sie meyn/ Ich schelte sie/so zo-  
ren sie/ich bitte für sie/so verwerffen sie es / ich ver-  
gebe yhn yhr vbelthat/so wollen sie es nicht/ ich bin  
bereyt mich selb für sie zu geben / so vermaledeyen sie  
es/was sol ich mehr thun? denn Christus / der do  
sagt psal. cvliij. Er wolt nicht gebenedeyet seyn / dar-  
umb soll sie fern gnug von yhm komen/Er wolt ver-  
maledeyung habē / so sol er damit bekleydet werden/  
was nit gen hymel gehoret das bringet niemant hin/  
eyn/wenn man es auff stucken zurisse/was aber hym  
eyn sol/das mus byneyn / wenn sich alle teuffel dran  
hingen /vnd sich drob auch zurissen. S. Paul. sagt/  
Eynen solchen eygensynnigen mensche sol man mey-  
den nach zweyen geschehen vermanūg/drumb das er  
gewislich verkeret/vñ seyn vteyl schon ybir yhn gan-  
gen ist. Doch für den armen hauffen der noch vnwis-  
send durch sie verforet wird/sollen wyr nicht auffhö-  
ren zu bitten vñ bey yhn thun/ was wir vermugē/auff  
das wir sie aus dem rachen des seel mörders zu Rom  
vnd seyner Aposteln reyssen mugen. Die mit Got be-  
folhen der ewern glawben vnd verstand ynn Christo  
gnediglichen behuet Amen. M. D. XXiiij.

Der  
E

i El  
fey

Wie  
tzen so  
ursach  
bu bist  
ich bek  
recht v  
sach/d  
las gn  
vnd sti  
ybel th  
spricht  
ren:w

ij Z  
ey  
vr

Eyn  
hern v  
aus vn  
vnserm  
hauff/  
scheyn  
muckt  
das m  
wechst





Der sechs vnd dreysßigst psalm des  
Königlichen Propheten David / Den zorn  
vnd vnmut zu stillen / yn der anfechtung  
der gleyfner vnd mutwilligen.

**i** Erzorn dich nicht vber den bosē  
feynd / Las dich nicht verdriessen die vbelthetter.

Wie gleych zu greyfft vnd trifft der prophet des hers-  
tzen sorge / ynn diser anfechtung / vnd hebt auff alle  
vrsach der selben / vnd spricht / Zum ersten o mensch  
bu bist zornig / hast auch vrsach / als dich dunckt / denn  
ich bekenn / es sind böse menschen vnd thun dyr vns  
recht vnd viel vbels / das die natur achtet / redlich vrs-  
sach / des zorns hie seyn. Aber nicht also / liebes kindt /  
las gnade vnd nicht natur hie regirn / bzych den zorn /  
vnd stille dich eyn kleyne zeyt / las sie böß seyn / las sie  
vbel thun / höre mich / es sol dyr nicht schaden / So  
spricht denn der mensch / ia wenn wirds denn auffhö-  
ren? wer mag die lenge halten? Antwortet er.

**ij** Denn wie das gras werden sie  
eylend abgeschnyttē werden /  
vnd wie das grüne kraut werden sie verwelcken.

Eyn feyn gleychnis ist das / schrecklich den gleyf-  
nern vnd tröstlich den leydenden / wie feyn hebt er vns  
aus vnserm gesicht vñ setz vns für gottis gesicht. für  
vnserm gesicht arunet bluēt vñ mehret sich der gleyfner  
hauff / vñ bedeckt alle welt gantz / das sie alleyn etwas  
scheynen wie das grüne gras / die erden deckt vñ sch-  
mückt. Aber für Gottis gesicht was seynd sie? New  
das man schier machen sol / vnd yhe höher das gras  
wechst / yhe nicher yhm die sensen vnd hew gabeln  
sind

gen woli  
es yhr tag  
zweyffel  
art sind/  
er die/die  
Bottis  
verstand  
schewen/  
ern / las  
warheyt  
schrifften  
sie mich/  
sie / so zorn  
/ ich vers  
t / ich bin  
deyen sie  
/ der do  
yn / dar  
wolt vers  
werden/  
nant hin/  
ber hyn  
ffel dran  
ul. sagt/  
nan meyl  
nb das er  
yhn gan  
h vnwis  
t auffhö  
ngē / auff  
zu Rom.  
Bot be  
Christo  
liij.



sind. Also yhe höher/ weytter/ stercker/ die bosen grun-  
nen vnd oben schweben / yhe neher yhr vnterligen ist /  
warumb woltstu denn zornen / so yhr mutterey so ein  
Kurtz wesen ist / so sprichstu denn / was sol i. h die weyl  
thun? woran sol ich mich halten bis das solchs gesche-  
he? Hor zu grosse zusagung.

**iiij** Setz deyn hoffnung ynn got/  
vnd thu guttis.

Bleyb ym land vnd neere dich ym glawben.

Da nympt er alle sorge gantz dahyn / vnd setzt das  
hertz zu ruge / als solt er sagen / liebes kind / las deyn  
sorgen faren / denck nicht wie du dich rechen wilt /  
wie du sie widder eyn stucke sehen lassist / wie du thun  
mugist / das sie verdries / thu hyn solch gedancken / es  
sind menschlich vnd bosz gedancken / setz deyn hoff-  
nung auff Gott / wartte was er draus machen wil /  
gang du fur dich / las ymb niemants willen guttis zu  
thun / bleyb ym gutt thun / wie du angefangen / wo  
vnd wilchem du magist / vñ gib yhn nicht bosz vmb  
bosz / sondern guttis vmb bosz.

So du aber auch dechtist / du woltist fliehen vnd  
an eyn ander ort zihen / das du yhr los wurdist vnd  
von yhn kemist / Nicht nicht also / bleyb ym land /  
wone wo du bist / wechsel odder wandel vmb yhrend  
willen nicht deyne wonung oder land / sondern nee-  
re dich ym glawben / treyb deyn erbeyt vnd handel  
wie vorhyn / byndern oder beschedigen sie dich vnd  
geben dyr vsach zu fliehen / so las faren / bleyb ym  
glawben / vnd zweyffel nicht / Gott wird dich nicht  
lassen. Thu nur das deyne / erbeyte vnd neere dich  
vnd las yhn walden. Solt nicht auff horen dich zu  
neeren / ob sie dich an eynem stuck byndern / Gott / so  
du

hoffist  
ac vnd

iiij

Das  
mit dyn  
fallen /  
vnd go  
sagung  
geret /  
an stat  
vbist di  
so werd  
dern de  
lich wa

v B

auf  
Nicht  
wege /  
richt di  
folhen  
wyr thu  
mecht /  
umb ni  
fort far  
die sach  
seytten

vi

erf  
vnd



hoffst / gibt dyrs am andern / wie er Abraham / Isaac  
ac vnd Jacob thet die auch also versucht worden.

**iiij** Vnd hab deyn lust ynn Gott /

So wird er dyr geben deynis hertzen begird.

Das ist / las dichs nicht verdriessen / das Gott so  
mit dyr feret / las dyr solchen seynen willen / wol ges  
fallen / ia erluste dich dyinnen als yn dem aller besten  
vnd gotlichen willen / sihe / so hastu dise trostliche zu  
sagung. Er wird dyr geben / allis was deyn hertz be  
geret / was wiltu mehr haben ? Sihe nur zu / das du  
an stat / des vordriessis so du von yhnen erschopffist /  
vbist diese lust vnd wolgefallen ynn gotlichem willen  
so werden sie dyr nicht alleyn keyn schaden thun / son  
dern deyn hertz wird auch volles frids seyn / vnd frö  
lich wartten diser zusagung Gottis.

**v** Befelh got deyne wege vnd hoff

auff yhn so wird ers wol machen.

Nicht das du mussig soltist gehen / sondern deyne  
wege / werck / wort vnd wandel / den befelh Gott /  
richt dich selb nicht / denn es mus nur Gott also be  
solhen werden das wyr nichts thun / sondern was  
wyr thun / obs von den gleyssern versprochen / versch  
mecht / gelestert oder verhyndert wird / sol man dar  
umb nicht weych werden vnd ablassen / sondern ymer  
fort faren / vnd sie lassen yhren mutwillen vben / Got  
die sach befelhn / der wirds wol machen auff beyden  
seytten / was recht ist.

**vi** Vnd wird deyne gerechtickeyt

erfur bringen als das liecht /  
vnd deyn recht wie den mittag.

b Dis

bosen gru  
erligen ist /  
erey so ein  
h die weyl  
chs gesche

n got /

awben.

o setzt das

/ las deyn

chen wilt /

ic du thun

ancken / es

deyn hoff

chen wil /

i guttis zu

ngen / wo

oosis vmb

liehen vnd

urdist vnd

ym land /

mb ybrend

ndern nee

nd handel

e dich vnd

bleyb ym

dich nicht

neere dich

en dich zu

/ Gott / so

du



Dis ist die grössiste forze / der weychlingen / das sie verdrossen werden / vbir die mutwilligen / denn sie sorgen / yhr sach werd verdruckt vnd verfinstert / weyl sie sehen der widder part wütten / so hoch faren vnd oben schweben / drum tröstet er vns / vnd spricht / las seyn liebes kind / das sie dich vnd deyn sach / mit wolcken vnd platz regen verdrukken / vnd ym ansehen furder welt / gar zu nicht vnd ym finsternis begraben / yhr sach empor schwebe vnd leuchte wie die sonne / befehlstu gott deyn handel / hoffist vnd wartest auff yhn / so sey gewis deyn recht vnd gerechtich keyt wird nicht ym finstern bleyben / Sie mus erfur vnd yderman so offentlich bekand werden / als der helle mittag / das alle die zu schanden werden / die dich verdruckt vnd vertunckelt haben. Es ist nur ymbs warten zu thun / das du Gott ynn solchem furnemen durch dein zurnen / ynnut verdriessen nicht hynderst / drum vermanet er aber mal.

**vij** Halt gotte still vnd las yhn mit dyr machen /

Erzurn dich nicht / vbir den man dem seyn thun glucklich geht vnd thut nach seynem mutwillen. Als solt er sagen / Es wil dich verdriessen / das du yn rechter sachen / vngluck empfindist / vnd wil nicht wie du gern woltist von statten gehn / vnd sibist doch das dem vnrechten nach allem seynem mutwillen gehet / das seyn sprichwort hyraus geflossen ist / yhe grösser schalck / yhe besser gluck. Aber sey weys / liebes kind / las dich das nit bewegen / halt auff gott / deyns hertzen begirt wird auch komen / gar reychlich. Es ist aber noch nicht zeyt. Es mus des schalcks gluck vergehen vnd seyne zeyt haben / bis fur vbir kompt / ynn  
des

des mu  
seyner  
werck /  
wie die  
ben der  
durch /  
Er bra  
et form  
gleych  
chen le  
pfange  
du still

vij

Sib  
mit bö  
vnd wa  
besser / i  
schon a  
gewynn  
hynder  
den bö  
gleych

ix D  
den  
D  
bes  
Es  
odder g  
teyl / wo



des mustu Got es befehlen / ynn yhm dich erlusten /  
seynen willen dyr gefallen lassen / auff das du seyn  
werck / yn dyr vnd ynn deynem feynd / nicht hynderst  
wie die thun / die nicht auffhoren zu wütten sie ha-  
ben denn yhr ding / entwedder mit dem kopff hyn  
durch / odder zu drümmern bracht.

Er brauchht hie ein feyn hebreisch wort. *Sile domino*  
*et formare ei* / schweyg vnd mach dich schickerlich /  
gleych wie eyn frucht ynn mutter leyb sich Gott ma-  
chen lest / also bistu ynn disem fall auch ynn gott em-  
pfängen / vnd er wil dich machen zu rechter form so  
du still heltist.

**viiij** Stille deynen zorn / vnd las  
deyn grymmen.

Erzurn dich nicht / das du auch vbil thuist.

Sihe wie fleysig warnet er / das wyr ia nicht bösis  
mit bößs vergelten / wie die natur pflegt zu treyben /  
vnd was hilfft solcher zorn? Es macht die sach nicht  
besser / ia furet sie nur tieffer ynn den schlamm / vnd abs-  
schon auffß aller beste gerate / das du oben liegist vnd  
gewynnist / was hastu gewonnen? Gott hastu ver-  
hyndert / damit seyn gnade vnd gunst verloren / vnd  
den bösen vbilhettern bistu gleych worden vnd wirst  
gleych mit yhnen verderben / wie folget.

**ix** Denn alle die do vbel thun / wer-  
den ausgerottet.

Die aber auff Gott wartten / werden das land  
besitzen.

Es hilfft dich nicht / das du nicht angefangen hast  
odder gereytzt seyest / denn es ist eyn schlecht frey vr-  
teyl / wer vbil thut gereytzt oder yngereytzt / der wird

b ij aus



ausgerot werden / das sihet man auch für augen ynn  
aller welt / ynn allen historien. Aber wer auff Gott  
warttet der bleybt / das neben yhm vntergehet der  
vbilthetter wer nur so lang harzen kund / die bosen  
menschen sind so gar reyff das ob sie niemant vertrey  
bet / so mugen sie sich selb nicht enthalten / sie richten  
eyn mutwillig vnglück an vbir yhren hals / das sie zus  
sehens vertilget / denn das reyff gras / mus hew wer  
den vnd solts ynn yhm selb auff dem stam verdorren.  
Es ist eyne boss mensch / niemant so vntreglich vnd  
verstorlich als er yhm selbs / das sehen wyr / an den  
mördern / dieben / tyrannen vñ der gleychen exempel.

**x** Es ist noch vmb eyne kleynis / so  
ist der Gottlos nymer.

So wirstu auff seyn stet mercken / vnd sie ist nicht  
mehr da .

Das verkleret / was droben gesagt ist / das sie seyn  
wie das gras das schnell abgehawen wird / damit vn  
ser sorge gestillet werde / wilch sich furcht / die gottlo  
sen bleyben zu lange / Nochtist aber sagen / Ja ich si  
he wol das die vnrechten gemeyniglich lang bleyben /  
auch mit ehren zum grabe komen . Antwort / das ge  
schicht gewislich darumb / das der ander part / sich  
nicht nach disem psalm gehalten hat / sondern die  
sach / mit zorn / wütten / grymmen / klagen vñ schreyen  
verhyndert vnd verterbet hat / darumb weyl niemant  
da ist gewesen der seyn sach Gott befolhen hette vnd  
seynis werckis gewarttet / so ist das vrt Eyl des nehs  
ten vorigen verss vbir beyde part gangen / vnd sind  
vertilget alle sampt die do vbel than haben / were aber  
eyne part zu Gott gekeret / so were das ander teyl ge  
wislich vnd eylend / allein vntergangen wie diser vers  
sagt /

sagt  
der v  
terste  
dame  
dise  
lomo  
recht  
ner b  
recht  
teisch  
pien  
hynn  
vnger  
von i

xi

b  
v  
Da  
gerech  
ter. N  
das y  
auffer  
ynner

xij

D  
sich b  
lig yb  
losen /  
nicht



sagt/ drum sehen wir itzt dises psalmen exempel yn  
der welt nicht/ denn eyn iglicher lest got faren/ vñ vñ  
terstehet sich mit rechten odder fechten zu schutzen/  
damit wir Gott an solchem werck verhyndert / das  
diser psalm von yhn preysset. Es sagt wol auch Sa  
lomon Eccle. vii. Der gerecht verdirbt ynn seyner ge  
rechtickeyt/ vnd der Gotlose lebt lange zeyt/ ynn sey  
ner bosheyt/ wilchs mus gesagt seyn / von dem ges  
rechten vnd vngerechten/ die nicht mit eynander para  
teisch sein/ wie diser psalm sagt/ sonder wie auch Sa  
pientie. iiii. stet/ das der gerecht wird offft schnell von  
hynnen genomen das er nicht verfuret werde vnd die  
vngerechten lang bleyben ynn yhren sunden/ doch da  
von ist mehr zu sagen / denn itzt die zeyt gibt.

**xi** Aber die sanfftmutigen werden  
besitzen das land.

Vnd sich erlusten ynn der menge des fridis.

Das bestetiget auch das droben ist gesagt / wie die  
gerechten bleyben / nach dem versterben der vbilthet  
ter. Nicht das sie ewig auff erden bleyben / sondern  
das yhr sach zum end vnd friden mit ehn kompt auch  
aufferden/ wilchen frid/ sie mit sanfftmutickeyt vnd  
yinnerlichem frid/ verdienet haben.

**xij** Der gotlose wuttet widder den  
gerechten.

Vnd knyrset mit seynen zeenen vbir yhn.

Das ist aber zu trost den weychlingen gesagt / die  
sich besorgen vnd beklagen/ wie wüttend vnd boswil  
lig yhr widder part seyn. Ich nenne impium eyn got  
losen/ denn es heysset eygentlich den / der ynn Gott  
nicht trawet noch gleubt/ der aus yhm selbs vnd sey  
b iij nem

augen ynn  
auff Gott  
rgehet der  
die bosen  
ant vertrey  
sie richten  
das sie zus  
hew wer  
verdoren.  
eglich vnd  
yr / an den  
n exempel.

nis / so

ie ist nicht

das sie seyn  
/ damit vn  
die gotlo/  
/ Ja ich si  
g bleyben/  
rt/ das ge  
part / sich  
ondern die  
vñ schreyen  
yl niemant  
n hette vnd  
des nehil/  
/ vnd sind  
/ were aber  
der teyl ge  
e diser vers  
sagt/



nein freyen willen / noch ynn der natur lebt / als denn  
sonderlich sind / die gleyser / die gelerten vnd schey-  
nend heyligen / als zu vnsern zeytten sind Bapst / bis-  
choff / pfaffen / münch / doctores / vnd des gleychen  
volck / wilch von natur müssen wüten widder das  
heylig Euangeliū / als wyr sehen das sie auch weyd-  
lich thun / Aber was hilfft sie yhr wüten vnd toben?  
hör was da folget.

**xiiij** Aber gott lachet seyn / denn er  
sihet das seyn tag komet.

Wie mocht vns eyn stercker trost geben werden /  
das die wütende feynd des Euangeli / alle yhre mas-  
cht vnd bosheyt furwenden / meynen mit gantzem  
ernst den gerechten (das ist den gleybigen ynn Gott)  
mit zeenen zu reysen . Vnd Gott sie so gar veracht /  
das er yhr lacht / darumb das er ansihet / wie kurtz sie  
wüten werden / vnd yhr tag nicht ferne ist. Nicht das  
Gott / wie eyn mensch lache / sondern das es lecher-  
lich ist anzusehen / ynn der warheyt das die tolln  
menschen / so fast wüten vnd gross ding furnemen /  
das sie nicht eyn har breyt mügen ausrichten / gleych  
als eyn lecherlicher narz were / der eyn langen spieß  
vnd kurtzen degen nehmt (als wyr von eynem aus yhr  
nen newlich gesehen) vnd wolt die sonnen vom hys-  
mel herab stechen / vnd yautzet ein mal drauff / als het  
er eyn redlichen stich than.

**xiiij** Die gottlosen blossen yhr sch-  
werd vnd richten yhrn bogen / zu fellen / den  
geringen vnd armen / zuschlachten die do auff  
dem rechten wege sind.

Schwerd vnd bogen heysen hie / die vergiffstigen bö-  
sen

sen zu  
Flage  
das d  
moch  
sprich  
sind u  
schwe  
lautte  
das s  
auff t  
yhrer  
sperre  
darni  
len m  
ten / s  
vnd s  
ringen  
hoch  
acht v

**xv**  
D  
Das  
vnd en  
sterber  
gepeyr  
vergeb  
wüten  
ten ew  
yhris l  
mus a  
wol be  
wort v



sen zungen damit sie lestern / schmehen / verkeren / ver-  
klagen vnd schenden / die sach des gerechten / auff  
das die frumen ynn hass / verfolgung vnd zum todt  
mochten da durch komen vnd vertilget werden. Also  
spricht der psal. xxxiiij. Der menschen kind zungen/  
sind waffen vnd pfeyl / vnd yhr zunge ist eyn scharffs  
schwert / das zeygt hie das hebreisch wortlin / das  
lauttet also auff deutsch / Die gottlosen / thun auff  
das schwert / gleych wie man eyn thür odder maul  
auff thut / anzuzeygen das schwert yhrer zungen ynn  
yhrer gifftigen schedlichen maul / das sie weyt auff  
sperren / gross lügen vnd lesterung eraus schutten /  
damit haben sie nach dem gerechten / ob sie yhn fels-  
len mochten / vnd schlachten (das ist) nicht elleyntod-  
ten / sondern nach yhrer mutwillen ynn yhm wülen  
vnd schudlen. Er nennet auch die gerechten / den ges-  
ringen vnd armen / darumb das sie für den grossen  
hochmüttigen schwulst vnd blasen der gotlosen vers-  
acht vnd gering sind. Aber was richten sie aus? höre.

## xv Yhr schwert wird yn yhr hertz

Vnd yhr bogen wird zu brochen werden. (gehen  
Das ist / yhr böse wort / müssen sie widder fressen /  
vnd ewiglich dran erworgen / das yhr gewissen ynn  
sterben damit durch stochen werden / ewiglich wird  
gepeyniget / dazu der bogen wird zu brechen / das allis  
vergeben ist / vnd sie nichts aufrichten / mit alle yhrer  
wüten / denn das sie yhn selbs solch vnglück zurich-  
ten ewiglich / das arm elend volck / darumb sol sich  
yhris lesterns vnd schendens niemand entsetzen. Es  
mus also seyn / das sie yhn selb das badt ynn der hell  
wol bereyten / wie wol die natur solch schwere laster  
wort yngern leydet / doch der geyst nach disem psalm  
gericht

ls denn  
schey  
ost / bis  
leychen  
der das  
weyde  
toben?

in er

werden /  
hre ma  
antzem  
n Bot)  
eracht /  
kurtz sie  
cht das  
lechers  
e tolln  
nemen /  
/ gleych  
n spiefs  
aus yhr  
dom by  
/ als het  
r sch  
en / den  
do auff  
gen bö  
sen



gericht lachet yhr mit Gott vnd sibet auff yhr ende.

**xvi** Es ist besser dem gerechten wenig haben /

Denn alle hauffen gütter / vieler gotlosen.

Das ist auch verdrieslich der natur / das die gotlosen reych sind vnd yhr viel vnd mechtig / aber der gerecht ist arm vnd alleyn odder wenig / darumb tröst der heylige geyst seyn liebes kind vnd spricht / Las dichs nicht verdriessen das du wenig / sie viel haben / las sie reych vnd satt seyn. Es ist dyr besser das du ein wenig habist mit Gottis gunst / denn ob du grosse hauffen gütter / nicht alleyn eynis / sondern vieler vnd aller Gotlosen hettist mit Gottis vngunst / wie sie haben. Auch höre was fur eyn vrteyl gehet vbir deyn armut vnd yhrem reychtum.

**xvij** Denn die arm der Gottlosen werden zu brochen werden /

Aber Gott enthelt die gerechten.

Die arm odder hand / sind der anhang der gotlosen das yhr viel zusammen halten / vnd da durch sind sie grosmechtig vnd starck / gleych wie itzt des Paps arm / sind die Könige / fürsten / Bischoff / gelereten / pfaffen vnd münch / auff wilch er sich verlessit vnd darumb Gottis nicht acht. Also hat eyn iglicher gotlose / den hauffen / die geweltigen auff seyner seyten / denn reychtum vnd gewalt / hat noch nie / odder gar wenig / auff des gerechten seyten gestanden. Aber was hilffts? Traw nur Got / es mus allis zubrochen werden / darffist dich darob nicht entsetzen noch dich verdriessen lassen / Gott enthelt dich / du wirst nicht versincken / seyn arm vnd seyn hand ist vbir dyr / vnd hat

hat di  
er sich

**xviii**

se

**xix**

Die v

**S. P**

ist / die

cken v

tigen f

chts b

gesun

gepre

yhr zey

glewb

zu helf

fur den

sen / so

zeyt ist

helffer

den sin

vnd w

gehen

leyden

ffen v

hülff v

ewig /

diser v

haben

die got

weyn /

**xix**



hat dich fest gefasset vber yhre arm vnd hand / lessie  
er sich selb halten.

**xviii** Got erkennet die tage der vn  
schuldigen.

Vnd yhr erbe wird ewig seyn.

Die vnschuldigen auff hebreisch Themimim / pflegt  
S. Paul. zu nennen / eyns gesunden glawbens / das  
ist / die da nicht mit flicwerk vmb gehen / ynn wer  
cken vnd menschen gesetzen / sondern eynen auffrichti  
tigen festen glawben haben / der sie leret / das sie ni  
chtes bedurffen / denn solchs glawbens / dauon sie vol  
gesund vnd reych sind / vnd erkennen vnd richten alle  
geprechen ynn allen dingen. Gott erkennet yhr tag /  
yhr zeyt / yhr gelegenheit / das ist / die weyl sie yhm frey  
gleuben / vnd nicht wissen wollen / wenn vnd wie yhn  
zu helfen sey / so nympt sich yhr Gott an vnd obs  
fur den gotlosen scheynet / als hab yhr Gott verges  
sen / so ist doch nicht also / Gott weys wol wenn yhr  
zeyt ist yhn zu helfen wie auch psal. ix. sagt / got ist ein  
helffer zu rechter zeyt / vnd psal. xxx. Inn deynen henn  
den sind meyne zeyt. Als solt er sagen / sie sind arm  
vnd wenig / yhene sind reych vnd mechtig / Aber las  
gehen / sie werden dennoch gnug haben vnd keyn not  
leyden / Gott weys wol / wenn es zeyt ist yhn zu hel  
ffen vnd ratten / wilchem sie auch trawen / on eygen  
hulff vnd rad suchen / Dazu so wird yhr erbe seyn  
ewig / nicht alleyn ynn yhener welt / sondern auch yn  
diser welt / denn sie werden vnd müssen ymer gnug  
haben / ob sie wol nicht vberflüssig vorrad haben / wie  
die gottlosen / Gott ist yhr vorrad vnd Korn boden /  
weyn / keller vnd alle yhr gutt / darumb auch fo! get.  
**xix** Sie werden nicht mit schandē  
c bestehen



bestehen ynn der bösen zeýt/

Vnd yn der tewren zeýt werden sie gnug haben.

Wenn Krieg odder tewre zeýt kompt / so wern die alle zu schanden / die yhren trost haben auff yhr kom boden vnd weyn keller odder gutt gestellet / denn es ist bald verschlunden vn̄ vnbracht / so sehen sie denn vbil vnd mit schanden / die zuuoꝛ so mütig vnd stoltz gewesen sind . Aber die gerechten / weyl Gott yhr trost vnd vorrad ist / mügen nicht mangel haben. Es muſten ehe alle Engel von hymel kómen vnd sie speysen / denn der vorrad lessit sie nit mangeln / dem sie trawen widder zeýtlich noch ewiglich. Wie aber die gotlosen Dör zu.

**xx** Denn die gotlosen werden vn̄

tergehen vnd die feynd Gottis /

wenn sie gleych sind wie eyn kostlich awe / werde sie doch all werden / ia all werden wie der rauch.

Ey / das ist yhe nahe geredt / vnd verechtlich geurteyt / let die grossen / mechtigen / reychen iunckern. Er spricht / ob sie gleych weren / die aller reychist / kostlichst awe / da vberig genug ynnen wuchs / wie sie denn auch sind / denn sie haben gnug / sie sind die gülden reychen awe / yn der welt / dennoch müssen sie vntergehen / ia vergehen vnd all werden wie der rauch / wo sind sie / die zuuoꝛ gewesen vnd gross gutt gehabt?

Es ist yhr keyner ynn gedechtnis / Aber die gerechten sind ynn gutter gedechtnis vnd allen ehren.

Drumb liebes kind / las sie reych seyn wie sie wollen / sihe auffss end / so wirstu finden wie allis yhr ding ein rauch ist / darumb das sie gottis feynd sind vnd yhm nicht vertrawen / dazu las dich das auch trösten / das er sie nennet gottis feynd so doch bisher sie nur deyn feynd

feynd  
Gott  
feynd

xxi

Da  
gotlos  
end h  
damli  
vnd ni  
widde  
gutt h  
trawe  
eyn re  
vnd m  
gnug/  
dern g  
der go  
reych  
es ist  
gleych  
darnac  
le reych  
len vnd  
das sie  
geben  
men v  
nung  
den go  
gibt: ni  
umb ist



feynd genennet sind. Auff das du wiffst / wie sich  
Gott deyn also an nympet das deyne feynd / seyne  
feynd sind.

**xxi Der gotlos entlehnet vnd zalet nicht/**

Der gerecht aber ist barmhertzig vnd mild.

Das ist aber eyn vnterscherd der gütter / das der  
gotlosen gütter nicht alleyn vergencklich seyn vnd eyn  
end haben / sondern auch böse gütter seyn vnd ver-  
damlich / darumb das sie nur auff hauffen gesamlet  
vnd nicht den dürfftigen mit geteylet werden / wilchs  
widder die natur der gütter ist. Aber des gerechten  
gutt hat nicht alleyn feyn ende / darumb das er Gott  
trawet vnd seyn gutt von yhm warttet / sondern ist  
eyn recht nützlich gut / das andern wird mit geteylet  
vnd nicht auff eyn hauffen gesamlet / Also hat er  
gnug / on allen zeytlichen vorradt / vnd gibt auch an-  
dern gnug / das heyst eyn recht gut. Das er aber sagt  
der gotlos entlehnet / ist nicht zuuerstehen / das die  
reychen von den menschen gutt entlehnen / sondern  
es ist gesagt / ynn eyner gleychnis vnd sprichwort /  
gleych als der do viel borget / vnd nicht zalet / strebt  
darnach das er nicht lang wil ym gut sitzen / Also als  
le reychen vnd gotlosen / empfahen viel von got / sam-  
len vnd borgen von yhm / vnd zalen yhn doch nicht /  
das sie den dürfftigen austeyleten / darumb es yhn  
geben wird / derhalben wird yhr gutt / bösis end ne-  
men vnd wie der rauch vergehen / das dis die mey-  
nung sey / beweyset / das er sie beyde gegenander helle  
den gotlosen vnd gerechten / der eyner gibt / der ander  
gibt nicht / vnd empfahen doch beyde von Got / dar-  
umb ist des gotlosen empfahen vergleycht eynem bor-  
gen /

e ij gen/



gen/vnd nicht zalen. Aber des gerechten gut ist nicht  
borgen/noch schuld/sondern frey von Gott empfangen  
vñ nützlich gebraucht yhm/vñ seynem nehisten.

**xxij** Denn seyne gebenedeyeten  
werden besitzen das land. (den.

Vnd seyne vermaledeyeten werden ausgerot wer-  
Sihe da/ er nennet die gotlosen reychen / gottis ver-  
maledeyeten / vnd die glewbigē/ Gottis gebenedey-  
eten / auff das dich ia nicht verdies / noch dey-  
nen glawben hyndere/ yhr gros gut vnd deyn armut  
was wiltu mehr? hastu nicht vbirfluffig wie sie ha-  
ben/so wirstu dennoch gnug haben / vnd das land  
besitzen / Nicht das du eyn herz der welt seyest/son-  
dern du wirst guttis gnug haben auff erden / vnd ym  
land wonen mit guttem frid/denn Got gebenedeyet  
dich zeytlich vnd ewiglich / darumb das du yhm  
trawist/ob du wol von den gotlosen vermaledeyet vñ  
beschedit wirst/widderumb die gotlosen reychen/  
ob sie itzt eyn zeytlang vbirfluffig haben / so werden sie  
doch verterben/vnd nicht ym land vnd gutt bleyben  
sitzen / sie werden gewislich ausgeschupfft vnd ein  
ander dreyen gesetzt / darumb das sie Gott vermales-  
deyet vnd yhm entzeucht seyn gnad / zeytlich vnd ewig-  
lich/denn sie glewben nicht ynn yhm / ob sie wol von  
menschen gebenedeyet vnd begabt werden / darumb  
wo die gerechten sind / da haben sie gnug auff erden/  
vñ bleyben ym gut sitzen/widerüb die gotlosen / wer-  
den ausgewurtzelt wo sie sitzen ynn güttern das be-  
rweysen alle furstenthum/reych/vnd grosse güter/die  
wyr sehen wie sie hyu vnd her faren / von eynem ges-  
schlecht zum andern. Sihe so hastu das vrteyl / vbir-  
die zeytlichen güter/das kurtzlich beschlossen ist / der  
gerecht

gerech-  
ben/d  
gütter  
brauch  
vnd L  
gerim/  
hatten  
gnug.

**xxij**

de  
vi

Sihe d  
guts g  
gantz l  
wird se  
Gott r  
ynn ga  
machst  
hat/de  
hebreis  
haben v  
drynne  
begird  
wande  
auff da  
alle vñ  
auff yh  
gen sich  
fodder  
gotlose  
man si  
gefodde



t ist nicht  
empfangen  
nehisten.

eyeten

(den.  
erot wer  
gottis ver  
ebenedeyt  
och dey  
yn armut  
ie sie hat  
das land  
yest/son  
/vnd ym  
enedeyt  
du yhm  
edeyt vñ  
reychen/  
werden sie  
t bleyben  
vnd ein  
vermale  
vnd ewig  
wol von  
/darumb  
ff erden/  
en/wer  
n das be  
güter/die  
ynem ges  
teyl/vbir  
en ist/der  
gerecht

gerecht mus gnug haben / vnd der vngerecht verter  
ben / darumb das der gerecht Gott trawet / vnd der  
gütter wol braucht / der gotlos trawet nicht / vnd  
braucht yhz nicht wol. Also lesen wir das Abraham  
vnd Lot / reich waren vnd gerne herbergeten die pil  
gerim / drum ob sie wol keyn eygen land vnd vorradt  
hatten / dennoch blieben sie ym land sitzen vnd hatten  
gnug.

**xriij** Von got werden sie die genge

dises mannis gerichtet odder gefoddert /  
vnd seynes wegs hat er gefallen.

Sihe da aber mal trost. Nicht alleyn wirstu zeytlich  
guts gnug haben / sondern alles was du thuest / deyn  
gantz leben vnd wandel / auch gegen die gotlosen /  
wird schleunig seyn vnd fortgehen / darumb das du  
Gott trawist vnd yhm dich vnd deyn sach ergibst /  
ynn gantz deynem leben yhm gelassen stehist / damit  
machstu / das er gefallen / lust / vnd gleych eyn begird  
hat / deynen weg vnd wandel zu foddern / denn das  
hebreisch wortlin alhie / heysset nicht alleyn gefallen  
haben vnd zu sehen / sondern eyn hytzig begird haben  
dynnen zuschaffen / damit angezeygt wird / wie gros  
begird Gott habe / eynis solchen menschen weg vnd  
wandel zu foddern vnd mit yhm zu schaffen haben /  
auff das wir ia willig werden / yhm zu trawen / vnd  
alle vnser sach yhm befehlen frey heym stellen / vnd  
auff yhm gewartten / yhn lassen machen. Aber da ges  
gen sichtet nu / das solcher gotgefelliger weg nicht ge  
foddert ia verhyndert vnd furworffen wird / von den  
gotlosen / das verdreust denn die natur / drum mus  
man sich hie trosten / das Gott gefallet vnd von yhm  
gefoddert wird vnser wesen nicht ansehen / die hyn /  
c iij dennis



dernis vnd furwerffung der gotlofen.

**xxiiij** Vnd ob er felle / so wird er  
nicht weckgeworffen /

Denn Gott enthelte yhn bey der hand.

Das fallen mocht verstanden werden / das der ge-  
recht zu weylen sundigt / aber steht widder auff / als  
Salomon sagt x. Aber das lassen wir itzt faren / vnd  
bleyben auff der ban / das fallen hie heysse so viel / als  
ob er eyn mal vnterlige / vnd die gotlofen obligen / als  
David da er von Saul vnd Absalom iagt wird /  
Vnd Christus da er creutziget ward / denn solchs fal-  
len weret nicht lang / Gott leyt yhn nicht liegen vnd  
weg geworffen seyn / sondern ergreyffte seyne hand /  
richt yhn widder auff / das er mus bestehen vnd bley-  
ben. Damit trostet der geyst vnd antwortet den  
heymlichen gedancken / die yemant mocht haben vnd  
bey yhm selb sagen / ia ich habe dennoch etwa gese-  
hen / das der gerecht hat müssen vnterligen / vnd ist  
sein sach gar ynn die asschen gefallen fur den gotlofen  
ia spricht er liebs kind / las das auch seyn. Er falle /  
aber er wird dennoch nicht so ligen bleyben vnd ver-  
worffen sein. Er mus widder auff / ob schon alle welt  
daran verzweyffelt habe / denn Gott erwischet yhn bey  
der hand vnd hebt yhn widder auff.

**xxv** Ich byn iung gewesen vnd alt  
worden / vnd hab noch nie den gerechten gese-  
hen verlassen / vnd seyn kind nach brot gehen.

Sihe da setzt er zu mehrer sicherung / seyn eygen erfah-  
rung vnd ist auch war / die teglich erfahrung gibts /  
vñ müssen bekennen alle menschen das also sey / wird  
aber yemand verlassen das er brot suchen mus so ist  
gewis / das yhn am glauben gebrochen hat / darumb  
er auch

er auch  
brott  
verst  
gers st  
er wir  
auff d  
yhm d  
men / v  
helffe  
der rey  
worden  
Gott r  
vnterg

**xxvi**

le

v

Das  
also sey  
let / gib  
kind gn  
werden  
gel leyd  
wol zu  
Gott d  
vnd yh  
stucken  
dazu gn  
auch ge  
sen wes  
umb w

**xxvij**



er auch recht vnd billich verlassen ist. Aber die  
brott suchen odder nach brott gehen / mus man  
verstehen also / das er nicht hunger leyde odder hun-  
gers sterbe / ob er wol arm ist / vnd nichts zu vor hat /  
er wird gewislich erneeret / ob er nicht vbrigs hat bis  
auff den andern tag / gibt yhm eyner nicht / so gibt  
yhm der ander. Es mus seyn narung gewislich ko-  
men / wie wol die sundigen die yhm nicht geben vnd  
helffen. Denn der arm Lasarus Luce. xviij. ob yhm  
der reychen man nichts gab / ist er dennoch erneeret  
worden / obs wol mit armut zu gieng. Armut nympt  
Gott nicht von seynen heyligen / aber er lest sie nicht  
vntergehen noch versterben.

## xxvi Alltags ist er barmhertzig vnd lehnet.

Vnd seyne kind werden gebenedeyet seyn.

Das ist von dem habenden gerechten gesagt / ob er  
also sey das er kinder habe / so der selb schon austey-  
let / gibt vnd leyhet teglich / dennoch wird er vnd seyn  
kind gnug haben / denn die gebenedeyung ist / das sie  
werden gnug haben / hie vnd dort / gar keynen man-  
gel leyden an leybs narung vnd der seelen heyl / obs  
wol zu weylen nicht vberig ist. Also haben wyr / wie  
Gott die gleybigen handelt / ynn zeytlicher narung  
vnd yhren sachen / das wyr ia sicher seyn ynn beyden  
stucken / Er werd vns nicht verlassen / vnd werdent  
dazu gnug haben an der narung / vnd also gebet es  
auch gewislich / so wyr gleyben / vnd vns der gotlo-  
sen wesen nicht verdriessen noch bewegun lassen / dar-  
umb wider holet vnd schleust er aber mal vnd spricht.

## xxvij Weych von dem das bos ist vnd

wird er

as der ges  
auff / als  
aren / vnd  
so viel / als  
oligen / als  
agt wird /  
solchs fal  
iegen vnd  
ne hand /  
vnd bley  
orttet den  
haben vnd  
twa geses  
n / vnd ist  
a gotlosen  
Er falle /  
s vnd vers  
n alle welt  
et yhn bey

vnd alt  
hten geser  
gehen.  
ygen erfir  
ng gibts /  
sey / wird  
us so ifs  
/ darumb  
er auch



vnd thu gutis / Vnd bleyb nur ymer dar.

Alsolt er sagen / las Gott sorgen / thu nu du was gut ist / vnd las dich nichts bewegen böses zu thun / bleyb nur wie du bist ymer dar / vnd las gehen was da gehet / wie auch S. Pet. sagt / Werfft auff yhn alle ewer sorge / denn er tregt sorge vbir vns / vnd psal. liiij. Wirff all deyn anligen auff Gott vnd er wird dich wol beschicken odder versorgen / vnd nicht lassen den gerechten ewiglich bewegen.

### xxviiij Denn got hat lieb das recht

vnd verlessit seyne heyligen nicht / ewiglich werden sie behalten. (tet.

Vnd die kinder der gotlosen werden ausgerottet

Darffst nicht sorgen / das deyn recht vntergehe / es ist nicht muglich denn got hat recht lieb / drum mus es erhalten / vnd die gerechten nicht verlassen werden wenn er eyn abtgot were / der vnrecht lieb hette odder dem rechten feynd were / wie die gotlosen menschen / so hettistu vsach zu sorgen vnd furchten . Aber nu du weyfst / das er das recht lieb hat / Was sorgistu? was fürchtestu? was zweyffelstu? ewiglich nicht alleyn zeitlich werden seyn heyligen erhalten / vnd die gotlosen mit kind vnd allem dem yhren ausgerottet / die heyligen alhie heysen nicht die ym hymel sind / von wilchen die schrifft selten redet / sondern gemeyniglich von denen / die auff erden leben / die do glewben ynn Gott vnd durch den selben glawben / Gottis gnad vnd geyst haben / dauon sie heylig genennet werden / als wyr alle sind / so wyr glewben warhafftig.

### xxix Die gerechten werden besitzē

das land /

Vnd

Das ist  
erden  
wo sie  
lest er si  
los/on  
das bef  
auff de  
chen. N  
ob solch  
gottlos

xxx  
te  
v

Daru  
die gotl  
gen/ver  
recht/v  
verdrey  
vnd wer  
gelten o  
halten/  
redē sol  
yhele la  
schmach  
heuffen  
wol ma  
auff der  
hören o  
vrtel di  
helle mi  
geredt/



Und drauff bleyben ymer vnd ymer.

Das ist/wie droben gesagt ist / Sie haben gnug auff erden/durffens nyrgend/denn bey Gott gewartten / wo sie wonen ynn der welt/denn Gott lest sie nicht / lest er sie aber / so sind sie gewislich yngerecht vnd got los/on glawben vnd trawen ynn Gott. Und also ist das beschlossen / das wyr nur gutt thun vnd bleyben auff der ban vnd ym land / lassen yhn sorgen vnd machen. Nu folget/was die sach sey des gerechten / dar ob solch wesen sich erhebt / zwiffchen yhnen vnd den gottlosen.

**xxx Der mund des gerechten tich**

ret weyssheyt.

Und seyn zunge redet das rechte.

Daruber hebt sich der hadder / die gotlosen wollen die gotliche weyssheyt vnd recht / nicht hören / verfol gen / verdammnen vnd lestern es / fur narheyt vnd vns recht / vnd geht den selben schelcken wol drob / das verdreust denn vnd bewegt naturlich die gerechten / vnd werden da durch gereyzt zum bösen vnd widder gelten odder rach / darumb leret sie diser psalin stille halten / vnd ymer fort faren / ymer leren / tichten vnd redē solch weyssheyt vñ recht / gotte die sache befehlen yhene lassen beyssen / wüten / zeenenknirschen / lestern schmachten / schwerd blossen / bogen spannen / sich heuffen / vnd stercken zc. wie gesagt / denn Gott wirts wol machen / so wyr seyn nur gewartten vnd ymer auff der ban bleyben vnd ymb yhren willen nicht auff hören odder nachlassen. Es mus doch zu letzt / das vrteyl dises verses bleyben / vnd kund werden wie der helle mittag / das der gerecht hab recht vnd weyslich geredt / die gotlosen sind naren vnd vnrecht gewesen.

D xxxl.

ar.  
du was  
zu thun/  
en was da  
ff yhn alle  
psal. liij.  
wird dich  
lassen den

recht

gleich wer  
(tet.

ausgerot  
ergehe/es  
umb mus  
en werden  
ette odder  
menschen/  
Aber nu du  
gistu/was  
alleyn zeyt  
e gotlosen  
t / die heyt  
/ von will  
meyniglich  
oben ynn  
ottis gnad  
t werden/  
ftig.

besitzē

Und



**xxxi** Das gesetz gottis ist ynn seynem hertzen.

Vnd seyne tritt werden nicht schlipffern.

Darumb redt er recht/vnd tichtet weyssheyt / das Gottis gesetz / nicht ynn dem buch / nicht ynn den oren / nicht auff der zungen / sondern ynn seynem hertzen ist. Gottis gesetz mag niemant recht verstehen / es sey yhm denn ym hertzen / das ers lieb hab vnd leb darnach / wilchs thut der glawbynn Gott / darumb ob die gotlosen wol viel wort machen von Gott vnd seynem gesetz / rhämen sich der schrifft lerer vnd erfarene / so reden sie doch nymmer recht / noch weyslich / denn sie habens nicht ym hertzen / drum verstein sie seyn nicht / betreugt sie der scheyn das sie die wort vnd schrifft füren vnd drob wüten vnd verfolgen die gerechten. Item des gerechten tritt schlipffern nicht / sondern gehen gewis / frey einher / darumb das er der sach ym glawben gewis ist / vnd mag nicht verfürret werden / durch menschen gesetz vnd beyleren / Aber die gotlosen / fallen vnd schlipffern alzeyt hyn vnd her haben keynen gewissen tritt / darumb das sie Gottis gesetz auffer dem glawben nicht recht verstehen / vnd also faren sie hyn vnd her / wie sie yhr dunckel furet vnd menschen gesetz leret / itzt ist das werck / itzt die werck / itzt leret man sie sust / itzt also / vnd schlipffern hyn wo man sie hynfart mit der nase / eyn blind den andern / darumb wie sie nicht recht verstein / so wandeln sie auch nicht recht / so leren vnd reden sie auch nicht recht. Noch wüten sie vmb solch yhr schlipfferis lere vnd leben / widder die gewissen lere vnd leben der gerechten / wollen yhe yhr ding alleyn bestetigen.

**xxxii** Der gotlose sibet auff den gerechten / Vnd sucht / wie er yhn tödte.

Es ver

Es v  
seyne  
wesen  
sach b  
wilch  
treibt  
rechte  
recht v  
seyne  
sie B  
haben  
die sey  
ten v  
ren.

**xxxii**

y  
2

Gott  
verles  
cht der  
yhr vit  
Gott  
tet das  
zeyten  
Duss  
schreye  
bulle /  
bon y  
Dniue  
vermo  
ist / de  
macht  
nem an



Es verdreust yhn vnd kans nicht leyden / das man  
seyn lere vnd leben straff als eyn vnrecht vnweyslich  
wesen / darumb denckt er nicht mehr / denn wie er sein  
sach befestige . Nu kan er fur dem gerechten nicht /  
wilcher lest seyn vnrecht nicht vngestraft / darumb  
treibt yhn seyn falsches wesen dahyn / das er des ge-  
rechten losz werd / yhn vmbzing / damit seyn wesen  
recht vnd vngestraft bleybe / wie der Bapst vnd die  
seyne alzeit vnd noch thun / die wyr wol sehen / das  
sie Gottis gesetz auch schier nicht ynn den buchern  
haben / schweyg denn ym hertzen / Noch wollen sie  
die seyn / die daweysheyt tichten vnd recht leren / wü-  
ten vnd rasen drober wie die tollen hund on auff hö-  
ren.

**xxxiiij** Gott aber verlessit yhn nicht

ynn seyner hend.

Vnd verdampt yhn nit / ob er verurteyllet wird.

Gott lest den gerechten wol ynn yhr hand komen / er  
verlessit yhn aber nicht drynnen / Sie mugen yhn nit  
cht dempffen wenn sie yhn gleych todten / dazu hilfft  
yhr vteyl nicht / ob sie gleych rhämen sie thun es an  
Gottis stat / vnd ynn Gottis namen / denn Got rich-  
tet das gegen vteyl / das sehen wyr auch zu vnsern  
zeytten / der Bapst mit den seyne / haben Johannē  
Duss verdampt / noch hilfft sie keyn dammen / keyn  
schreyen / keyn plerren / keyn wüten / keyn toben / keyn  
bulle / keyn bley / keyn sigel / keyn bann / er ist erfors blie-  
ben vnd gerümet alzeit / da hat keyn Bischoff / keyn  
Vniuersitet / keyn König / keyn furst / etwas wider  
vermocht / wilchs noch nie von keynem ketzer gehort  
ist / der eynige tode man / der vnschuldige Habel /  
macht den lebendigen Cain den Bapst mit allem sey-  
nem anhang zu ketzern / abtrinnigen / morden / gottis  
d ij lestern



lestern solten sie sich drob zu reysen vnd bersten / Er  
braucht hie eyn feyn wortlin das zur sach wol dienet  
lo sarschiennu non impiabit / seu non impium decla-  
rabit / das ist / ob sie yhn eynen ketzer / abtrinnigen/  
auffrurischen vteylen / wie itzt der prauch ist des Bep-  
stischen stuels vnd seyner secten der papisten / so achts  
Got nicht / er damnet yhn nicht nach dem vteyl / wie  
eben trifft der Prophet der Papisten gericht vnd v-  
teyl / ynn disem vers / als het er nur von yhnen geredt /  
denn sie können nicht mehr denn ketzer / ketzer / ketzer  
schreyen / wenn sie aber solten auff den plan treten  
vnd solchs beweysen / so erwischen sie das hasen pa-  
nir / vnd halten sich zu der meuse wagenburg.

### xxxiiij Wartte auff Gott vnd halt

seyne wege / so wird er dich erheben zu besitzen  
das land / (wirstu sehen.)

Wenn die gottlosen werden ausgerottet / so  
Abermal vermanet er / auff gott trawen vnd guttis  
thun / darumb das die vngelasne blöde natur sich  
schwerlich ergibt vñ auff gott erwegt / das sie gewart-  
te / des sie nyrgent sibet noch empfindet / vnd sich er-  
sere das sie sichtlich empfindt. Nu ist auch gnugsam  
gesagt / wie die besitzung des landts zuuerstehen sey /  
nemlich / das eyn gerechter bleyb vnd gnug hat auch  
auff erden / dazu wo er zu wenig hat zeytlich / hat er  
deste mehr geystlich / wie Christus leret vnd spricht /  
Wer eynerley verlessit / der sol es hundertfach wid-  
der haben auff diser welt / vnd dazu das ewige leben /  
wie wol ich nicht widerfachte das solchs erden besit-  
zen mocht verstanden werden nicht von eynem iglic-  
hen gerechten ynn sonderheyt / sondern von dem hau-  
ffen vnd der gemeyne / ob wol villeycht etlich zeytlich  
vertilget werden / dennoch zu letzt yhr same oben  
bleybt /

bleybt  
vnd d  
heyden  
cxi. au  
ynn sey  
girn a  
wird v  
allish  
gibt y  
nicht g  
ers nich  
yhm n  
vnd ni  
sagt. L  
erhöre

Das  
ausger  
sehen g  
heysset  
gibt ger  
wolt ic  
hast m  
ben ge  
meyner  
vertilge  
bewege  
Item p  
die stra  
vonder  
mund  
haben  
hen da  
Niche  
ser aug



bleybt / wie die Christen ynn der welt blieben sind /  
vnd die heyden vergangen / ob yhr wol viel von den  
heyden zeytlich gemartert vñ vertilget ward / wie psal.  
cxī. auch sagt. Selig ist der man der Got furcht / vnd  
ynn seynen gepotten begyris ist. Seyn same wird re-  
girn auff erden / vnd das geschlecht der gerechten /  
wird vermehret werden ꝛ. doch wie gesagt / vbir das  
allis hat eyn iglicher auch fur sich selb gnug / vnd got  
gibt yhm auch was er darff vnd bittet / vnd wo ers  
nicht gbt / da ist gewislich der gerecht so willig das  
ers nicht haben wil von Gott vnd weret Got das ers  
yhm nicht gebe / so gar eyns ist er mit Got / das er hat  
vnd nicht hat / wie er nur wil fur gott / wie psal. cxliiij.  
sagt. Gott thut den willen der / die yhn furchten / vnd  
erhöret yhr bitten vnd hilfft yhnen.

Das er hie sagt / du wirst sehen wenn die gottlosen  
ausgerottet werden / ist nicht von eynem schlechten  
sehen gesagt / sondern nach dem brauch der schrifft  
heysset es sehen nach seynem willen odder das er leng-  
gibt gern gesehen het wie wyr auff deutsch sagen / das  
wolt ich gern sehen. Auff die weys sagt psal. liij. Du  
hast mich aus allem ybel erlost / vnd meyn augen ha-  
ben gesehen ynn meyne feynden / das ist / Ich hab  
meynen willen an yhn gesehen das ich erlost / vnd sie  
vertilget sind. Item psal. cxī. Der gerecht wird nicht  
bewegt werden bis das er sehe ynn seynen feynden /  
Item psal. xc. Du wirst mit deynen augen sehen / vnd  
die straff der gotlosen wirstu schawen. Widderumb  
vonden feynden sagt / psal. xxxiiij. Sie haben yhren  
mund weyt auffthan vnd gesagt / Ey ia / vnser augen  
haben gesehen / das ist / er ligt darnyder / es ist gesche-  
hen das wyr lengist gern gesehen hetten. So auch  
Micheas / Aspiciat in Zion oculus noster. Das vn-  
ser auge sehen mocht ynn Zion / das ist / o das Zion  
d iij vbir



vbirglenge das wyr gern sehen. Also hie auch / Du  
wirft sehen was du gern hettist gesehen / wenn die  
gotlosen ausgerottet werden / Dise weyss zu reden ist  
fast gemeyn ynn der schrift.

**xxxv** Ich hab gesehen eynen gotlo  
sen der war gewlich / vnd hat sich erans gemas  
cht wie eyn grünender lorbaum.

Aber setzt er seyn erfahrung zu eynem exempel vnd zeys  
chen / droben hat er eyn erfahrung gesagt von dem ges  
rechten / das er noch nie keynen hab sehen verlassen.  
Die sagt er eyn erfahrung vom widderteyl von dem  
gotlosen wie der vergangen sey / vnd spricht. Er war  
reich / mechtig / gros / das sich yderman fur yhm fur  
cht / vnd was er sagt / thet / lies / das war gesagt / ges  
than / gelassen / denn ein solchen bedeut das hebreisch  
wortlin / Aritz / das ich hab verdeutsch / gewlich das  
bedeut auch das er dazu thut / Er brüstet sich vñ war  
furbrechtig / thet sich erfur was etwas sonderlich fur  
allen / macht sich breyt vnd hoch / gleych wie eyn lor  
baum fur ander bewmen alzeyt grünet vnd etwas  
sonderlich pranget fur allen / sonderlich fur den zam  
bewmen oder gartten bewmē / ist auch nit eyn schlech  
ter pusch oder nydriger bawm / des man auch wart  
ten vnd pflegen mus / wilchs man den wilden baw  
men vnd cedern nicht thut / also mus man auff disen  
gotlosen iunckern auch sehen / vnd sprechen / gnedi  
ger herz / lieber iuncker.

**xxxvi** Ich gieng fur vber / vnd sihe  
zu / da war er dahyn /

Ich fragt nach yhm / er ward aber nyrgent fund  
de / Solch exempel hat David an de Saul / Achito  
phel / Absalom vnd der gleychen wol gesehen / wil  
che furchtsam waren ynn yhren gotlosen wesen. Vnd  
ehe man

ehe m  
fragen  
war zu  
ch ma  
herz u  
man si  
vnd pa  
den all  
den hy  
nur sek  
werde  
so wyr

**xxxv**

v  
D

Dise v  
es seye  
vnd ni  
sich mi  
der gle  
viel ges  
rechtse  
wande  
vnd ric  
Sihe /  
das ist  
wol ge  
wyr an  
sich wo  
valere /  
Heñ. x  
Hebe t  
ob yhn



ehe man sich vmbfahet / so waren sie dahyn / das man  
fragen vñ sagen mocht. Wo sind sie hyn? Ist nicht  
war zu vnsern zeytten / ist Bapst Julius auch eyn sol-  
ch man gewesen / Wilch eyn Aritz vnd gewulicher  
herr war das? Ist er aber nicht verschwunden ehe  
man sichs versach? Wo ist er nu? wo ist seyn trotzen  
vnd prachen? Also sollen wyr nur still halten / sie wer-  
den alle also verschwinden die itzt wüten / vnd wollen  
den hymel zurstören vnd fels vmbstossen / last vns  
nur schweygen eyn wenig / vnd fur vbir gehen / wyr  
werden vns schir vmbsehen / vnd yhrer keynen sehen /  
so wyr nur gott trawen.

### xxxvij Halt dich nur vnschuldig

vnd sihe was auffrichtig ist /

Denn das letz eyns solchen mans / ist frid.

Dise vnschuld ist droben ym. xvij. vers / ausgelegt /  
es sey eyn gesunder glawb / der an yhm selb gnug hat  
vnd nicht bedarff der spitalischen gerechticheyt / die  
sich mit menschen gesetzen / odder werck / flicket vnd  
der gleychen bettel wercks sich behülfft / dumm ist so  
viel gesagt / als Paulus Tit. ij. Sey nur gesund vnd  
rechtschaffen ym cynfeltigen glawben zu Gott / vnd  
wandel auffrichtig vnd redlich / dar auff sihe alleyn  
vnd richte dich dareyn / las gotlosen gotlosen seyn.  
Sihe / so wird deyn letz tis / frid seyn vnd wol stehen /  
das ist / ym sterben vnd nach dem sterben wird dyrs  
wol gehen / die hebreisch sprach hat die art / das / wo  
wyr auff deutsch sagen. Es geht yhm wol / er gehabt  
sich wol / es steht wol vmb yhn / vnd auff latinisch /  
valere / bene habere &c. das heyst sie frid haben. Also  
Ben. xxxvij. sprach Jacob zu seynem son Joseph /  
Behe hyn ym Sichem zu deynen brüdern vnd sihe /  
ob yhn frid / vnd dem viehe frid sey / vnd sag myr wis-  
der /



der/das ist/obs yhn auch wol/gehe/daher kompt der  
gruß ym Euangelio auff hebreische weyse/pax vo  
bis / frid sey euch / wilchs wyr auff deutsch sagen/  
Bott geb euch gutten tag / gutten morgen / gutten  
abent. Item ym abscheyden sagen wyr / gehabt euch  
wol / habt gutte nacht / lasts euch wol gehen / das  
heyst/pax vobis. Also wenn die letzte stund kompt  
des gerechten vnd glawbigen / so gehet es yhm wol/  
vnd alle seyn letztis ist frid.

**xxxviii Die abtrinnigen werde ver  
tilget werden / eyner mit dem andern.**

Vnd das letzte der gotlosen wird ausgerottet.  
Das ist das widderspiel / die gerechten bleyben vnd  
geht yhn wol / die abtrinnigen gehn vnter vnd gehet  
yhn vbel yn yhrem letzten. Abtrinnige heysen hie die  
nicht gesund ym glawben sind / wilche der Apostel  
heysset Apostatas. ij. Timo. iiii. Die da vom glaw  
ben auff die werck vnd gesetz fallen / wie itzt die Pa  
pisten thun / drumb wird yh: letztis nicht mügen be  
stehen / es mus vnseelig / fridlos seyn vnd ausgerottet  
werden / denn alleyn der gesund frische glawbe be  
stehet.

Es mochten dise zween verss / auch wol verstanden  
werden / von beyden partten / nachgelassen erben vñ  
güttern / das die meynung sey / die gerechten was sie  
hynder sich lassen / das bestehet vnd gehet yhm wol /  
wie droben. xxvi. verss gesagt ist / das des gerechten  
kind auch gnug werden haben. Aber alles was die  
gotlosen hynder sich lassen / verschwind vnd kompt  
zu sehens vnter / wie psal. cxviii. sagt / Seyn gedech  
nis sol ynn eynem gelid des geschlechts vertilget wer  
den / das sibet man auch teglich ynn der erfahrung.

**xxxix Das heyl der gerechten ist**  
von



von Gott/ Der ist yhr sterck/ ynn der seyt yhr  
gedrengs.

Das heyl der gotlosen ist von yhn selbs/ vnd yhr  
sterck ist yhr eygen macht. Sie sind gross/ viel/ reych  
vnd mechtig/ durffen Gottis sterck vnd heyl nicht/  
Aber die gerechten/ die yhr gesicht müssen abkeren/  
von allem das man sibet vnd fulet/ vnd alleyn Gott  
trawen die haben keyn heyl nocht sterck denn von got  
wilcher lessit sie auch nicht/ vnd thut wie sie yhm glau  
ben vnd trawen/ als diser folgend letzte vers besch  
leusst vnd sagt.

**xl** Vnd gott wird yhn helffen/ vñ  
wird sie erredten.

Er wird sie erredten von den gotlosen/

Vnd wird sie selig machen/ denn sie haben ynn  
yhn vertrawet.

Sihe sihe/ wilch eyn reych zusage/ grosser trost/  
vnd vbirflüssige ermanung ist das/ so wir nur trawen  
vnd glawben. Zum ersten/ Gott hilfft yhn nemlich  
mitten ynn dem vbel/ lessit sie nicht alleyn drynnen  
sticken/ ist bey yhn/ sterckt sie vnd enthelt sie/ vbir das  
nicht alleyn hilfft er yhn/ sondern erredtet sie auch/  
das sie eraus komen/ denn dis hebreisch wortlin heist  
eygentlich/ dem vngluck entlauffen vnd darvon kom  
men. Vnd das die gotlosen verdiessen mocht/ so dru  
ck er sie mit namen aus/ vnd spricht/ Er wird sie er  
redten von den gotlosen/ obs yhn leydt sey/ vnd soll  
yhr wütten sie nichtshelffen/ wie wol sie meynen der  
gerecht sol yhn nicht entlauffen/ er müsse vertilget  
werden. Zum dritten/ nicht alleyn erredtet er sie/ son  
dern macht sie auch selig/ das sie hynfurt nicht meh  
ynn vngluck komen/ vnd das alles darumb/ das sie  
yhm vertrawet haben. Also spricht er auch psal. ix.  
c Darumb



Darumb das er ynn mich vertrauet / so wil ich yhn  
erreden vnd beschirmen / denn er erkennet meynen na  
men / Er hat mich angeruffen / drum wil ich yhn  
erhören. Ich wil bey yhm seyn / ynn seynem vbel / vnd  
wil yhn erans reyssen vnd wil yhn zu ehren setzen / vnd  
wil yhn füllen mit lenge der tage / vnd yhm offinbarn  
meyn heyl. O der schendlichen vntrew / mistrew / vñ  
verdampften ynglawben / das wyr solchen reychen /  
mechtigen / trostlichen zusagungen gottis nicht glaw  
ben / vnd zappeln so gar leichtlich / ynn geringen an  
stossen / so wir nur böse wort / von den gotlosen hören.  
Hilff gott das wyr ein mal rechten glawben vbirko  
men / den wyr sehen ynn aller schrifft gefoddert wer  
den / Amen.

Disen psalm wil ich euch lieben freunden zur tro  
stung vnd vermanung gesand haben. Nach der lere  
S. Paul. Ephe. v. da er spricht / yhr solt mit euch selb  
reden / ynn den psalmen vnd lobsangen vnd geystli  
chen lieden / singen vnd klingen ynn ewren hertzen /  
Bott dem vater dancksagen allzeyt / vbir ailen dingen  
ym namen vnsern herzn Ihesu Christi xc. Wilchs  
ich doch thu / nur vmb der weichlingen willen / denn  
den starcken die vnter euch sind (von Gottis gnaden)  
wolt ich selber lieber zu hören / vnd von yhnen lernen /  
darumb seydt getrost / vnd bleybt ynn der lere / die yhr  
gehört habt vnd noch hört / last euch die gotlosen  
mit yhrem toben nicht erschrecken / denn wyr haben  
sie gott lob / so fern geschlagen / das sie nicht mehr  
künden den toben / vnd erfunden seyn / als die da gar  
nichts verstehen ynn Christlichen sachen / vnd yhe  
mehr vnd lenger sie schreyen / schreyben vnd wüten /  
yhe blinder sie werden / vnd grosser torheytt beweyssen.

Das mugt yhr mercken an den Louoniern / an den  
Parisern / an den Römern / auch an vnsern nachbar  
ren

ren de  
ding si  
moch  
füren  
man g  
cerdot  
so solt  
len Da  
Aber v  
lestern  
gar sto  
versteh  
fodder  
spruch  
seyne la  
Tritt er  
chen. S  
Babyle  
rufft / v  
troffen  
fen für  
Item  
Matth  
auch erf  
ster ynn  
sind / d  
yhr sey  
toben v  
er myr  
der spre  
heyße au  
cher voll  
Das fort  
pisten /



ren den **Leyptischen Sophisten**. Sehet wie mercklich  
ding sie fur geben / das sich eyn steyn vber sie erbarmen  
mocht. Newlich hat yhr eyner myr solt eynen spruch  
furen aus der schrift / vnd beweyßen das die leut / die  
man gemeyniglich priester heyst / ynn der schrift sa-  
cerdotes priester genennet wurden / wenn er das thet  
so solt er gewonnen haben / hab yhm / **Papst** vnd als  
len **Papisten** trotz gepotten / biet yhn auch noch trotz  
Aber was thut der arm mensch? mit grossen wüten /  
lestern vnd schreyen tobet er / vnd beweyset / das er so  
gar stockblind vnd steyn taub ist / das er auch nicht  
versteht / was ich frag vnd was er antwortet. Ich  
fodder schrift von yhm / so antwortet er myr der lerer  
spruch. Ich frag nach der sonnen / so weyset er myr  
seyne latern. Ich frag / wo ist die schrift / so spricht er  
Tritt er fur **Ambro.** tritt er fur **Cyrellus** vnd der gley-  
chen. Sehet da / ist das nicht ein spiel der bawleut zu  
**Babylonien** die da holtz bringen wenn man wasser  
rufft / vnd schreyen dennoch als hetten sie es fast wol  
troffen / wer kan sich doch fur solchen groben köpf-  
fen fürchten?

Item das ist noch viel spöttischer / **Christus** spricht  
**Matth. v.** Ihr seyd das saltz der erden / den heyst er  
auch er fur treten / vnd sol damit beweyßen das sie prie-  
ster ynn der schrift heysen / so denn die leut so toll  
sind / das bey yhn / saltz der erden so viel heyst / als /  
yhr seyt priester / was sol man machen? denn sie nur  
toben vnd wüten lassen vnd verachten. Ich hoff wird  
er myr mehr schreyben / so wird er noch sagen / das  
der sprenghweddel vnd das rauch fass ynn der schrift  
heysse auch priester / des narrenwercks sind alle seyn bu-  
cher voll / dwinb fürcht euch nicht / vnd seyd getrost /  
das forteyl habt yhr / das der **Papst** vnd seyne **Pae-**  
**pisten** / nichts kunden ynn der schrift auch yhr eygen  
e ij ding



ding nicht verstehen. Das hat gnugsam beweyset/  
Zum ersten. Syluester von Rom/nach yhm Johanne  
nes Eck/darnach Rhadinus/darnach Cathari  
nus/darnach Colen vñ Louen/darnach der Papst  
mit seyner bullen/itzt beweyset es auch Pariss vnd  
Latomus von Louen/vñ zu letzt trolen auch eynher  
die zween papyr schender zu Leyptzick/yh: Keyner wil  
an die schrift menschen lere/vnd yhre trewm bringen  
sie erfur vnd singen yhren singen tantz/trit erfur/tritt  
erfur/bleyben doch ymer dahynden.

Wenn euch aber yemand von yhnen antastet vnd  
spricht/Dan mus der veter auslegen haben/die schri  
fft sey tuncfel. Solt yhr antwortt es sey nit war/es  
ist aufferden Keyn Klerer buch geschrieben denn die hey  
lige schrift/die ist gegen alle ander bücher gleich wie  
die sonne gegen alle liecht/sie reden solch ding nur  
darumb/das sie vns aus der schrift faren/vnd sich  
selbs zu meystern vbir vns erheben/das wyr yhre  
trewm predigen glewben sollen.

Es ist eyn grewliche grosse schmach vnd laster/widr  
der die heylige schrift vñ alle Christenheyt/so man  
sagt/das die heylige schrift finster sey/vnd nicht so  
klar das sie yderman mug verstehen seinen glawb zu  
leren vnd beweysen/das merck da bey/Solts nicht  
gross schand seyn/das ich odder du eyn Christen ge  
nennet were/vnd wisset nicht was ich glewbt: Weys  
ich aber was ich glewbt/so weys ich was yn der schri  
fft stehet/weyl die schrift hat nicht mehr denn Chri  
stum vnd Chriistischen glawben yn sich/drumb weyl  
der glawb die schrift nur höret/so ist sie yhm so klar  
vnd liecht/das er on aller veter vñ lerer glosen spricht  
das ist recht/das glewbt ich auch/Solch liecht vnd  
warheyt wolten sie vns gern vertuncfeln/vnd haben  
erfunden aus yhrem kopff/sidem implicitam/sidem  
explis

explis  
glaw  
faltet  
ausge  
nicht  
anzey

De  
mel v  
Mari  
lis wa  
yhe so  
versta  
lere su  
gesag  
rifft si  
ders/  
ren of  
sie die  
stand  
grund  
sie ges  
die tun  
tuncfel  
rechte  
leutt  
glaw  
Da  
ben fi  
gel ha  
auch  
sie be  
sie m  
Flaren  
sie mi



explictam / das ist / eyn eyngefalteten vnd ausgefalteten  
glawben / sprechen der gemeyn man hab den eynge-  
falteten glawben / sie aber als vnser meystere / den  
ausgefalten / vñ ist beydis erlögen . Sie kunden auch  
nicht mit eynen artickel des eyngefalteten glawbens  
anzygen .

Denn wo ist doch klerer geschriben / das gott hymel  
vnd erden geschaffen hab / Christus geporn von  
Marien / gelyden / gestorben / auffgestanden / vnd als  
lis was wyr glawben / denn ynn der Bibel : wer ist  
yhe so grob gewesen / der solchs gelesen / vnd nicht  
verstanden habe? der veter bücher vnd der Papisten  
lere sind zehennmal finsterer was sie on schrift dauon  
gesagt haben / das ist wol war / etlich sprüch der sch-  
riff sind tuncfel / Aber ynn den selben / ist nichts an-  
ders / denn eben / was an andern orttern / ynn den kla-  
ren offenen sprüchen ist / vñ da komen ketzer her / das  
sie die tuncfel sprüch fassen / nach yhem eygen ver-  
stand vnd fechten damit widder die klaren sprüch vñ  
grund des glawbens / da haben denn die veter wider  
sie gestritten / durch die klare sprüch / damit erleuchtet  
die tuncfel sprüch vnd beweyset / das eben das ym  
tuncfel gesagt sey / das ym liechten / das ist auch das  
rechte studirn ynn der schrift / so machen dise tolle  
leutt vns eyttel newe vnd eyngefaltene artickel des  
glawbens draus .

Darumb wenn sie mit den veteren dringen vnd ge-  
ben fur man sol yhn glawben . Solt yhr dise zwo res-  
gel halten . Die erste / Solt yhr fragen / ob die veter  
auch yhe geyret haben / Haben sie aber geyret / wie  
sie bekennen müssen / so gelten yhr sprüch schon nichts  
sie müssen eyn höher beweyfung haben / das ist eynen  
klaren spruch aus der schrift / wo das nicht / sol man  
sie mit den veteren faren lassen . Also mugt yhr sie drin-  
e lij      geb



gen zur schrifft/das werden sie vngern thun/da wer  
det yhr sehen das sie stehen werden/wie die pfeyster  
die den tantz verderbet habē/werden sie aber schrifft  
furen/so wirts der art seyn wie der schreybt der do  
sagt/yhr seyt saltz der erden/heyst/yhr seyt prierster.  
Item lobet Gott ynn seynen heiligen/das heyst der  
Papist hat macht heiligen zur heben/denn das ist die  
ursach/das sie so fest an hasen panir halten/vnd mü  
gen mich nicht hören/wollen auch nicht erscheynen  
odder mich erscheynen lassen. Sie fulen wol wo sie  
der schuch drückt/der Köcher ist leer/das schwerd ist  
hültzen/der harnisch ist papyr vnd mōn bletter.  
Die ander regel/Solt yhr sagen/das die veter nicht  
haben wollen/das yemand yhn glewbe/wo sie nicht  
klare schrifft furen/vnd die Papisten thun den lieben  
vetern vurecht/das sie alle yhre spruch wollen gehal  
ten haben. Sie suchen auch nicht der veter ehre dar  
mit/sondern yhreygen tyranney/das sie vns mugen  
aus der schrifft furen/den glawben vertunckeln/sich  
selbs vbir die eyer setzen vnd vnser abgot werden/dise  
regel ist wol zu mercken/denn also spricht S. August.  
li. iij. Tri. in prologo. Ich wil meyner bücher eyn  
solchen leser haben/wie ich byn vbir anderer bücher  
frey vñ vngesangen. Item Epist. viij. ad Hiero. Ich  
acht nicht das du wollist deyne bücher gehalten ha  
ben als werens propheten oder Apostel bücher/denn  
ich nur der heiligen schrifft glewbe das sie nicht yre/  
die andern alle lese ich der massen das ich nicht glew  
be/es sey daumb war/das sie also gesagt haben/Sie  
beweyssen mirs denn mit heller vernunft oder aus der  
heiligen schrifft/Sehet da das merckt wol. August.  
wil schrifft haben/yn seynen eygen vnd allen andern  
büchern.

Item S. Hiero. Matt. xxij. da er viel seyner vorfa  
ren

ren m  
Aber  
eben  
wer d  
cht/v  
der m  
ste lere  
dern a  
ist nich  
gibt/v  
lich ni  
es nich  
ten gef  
leren s  
da hat  
cht byn  
erfur  
Seh  
leychtl  
yhn hu  
sagt/S  
rete sch  
denn k  
schrifft  
wo yhr  
euch/v  
yhr gen  
achten  
gen ach  
reyben  
hellers  
eyn wo  
dahyn  
ckel spr



ren meynung erzelet / gibt er eyn vrteyl vnd spricht.  
Aber dis hat kein grund aus der schrift drum wirts  
eben so leicht veracht / als angenomē / **S**ihe da / **S**ag  
wer da sag / bringt er nicht grund der schrift / so spre-  
cht / **E**r wird eben so leicht veracht als angenommen /  
der massen sagt **S**. **H**ilarius li. ij. **T**ri. das ist der bes-  
ste lerer / der seyn meynung nicht ynn die schrift / son-  
dern aus der schrift bringt. **I**tem am andern ort. **E**s  
ist nicht billich etwas zu lerē weytter denn die schrift  
gibt / wer aber sich des vermisset / der versteht gewis-  
lich nicht was er leret / odder die yhn hören verstehen  
es nicht / hec ille. **V**nd wenn sie des schon nicht bet-  
ten gesagt / so were **S**. **P**aul. gnug der do von allen  
lernen sagt / **V**ersucht es alles / was gut ist das behalt /  
da hat er on zweyffel gewollt / das man nicht schle-  
cht hyn glerobeden singententzern / die da sagen **T**rit  
erfur **T**rylle / trit erfur **A**mbro. vnd der gleychen.

**S**ehet / hie mit kund yhr aller **P**apisten schriften  
leichtlich verlegen / wenn gleych eyn iglicher vnter  
yhn hundert tausent bücher schreib / denn wie ich ges-  
agt / **S**ie sind alle sampt schriftlose / nackete / vngeles-  
rete schreyber / wilche viel besser / badeknecht weren /  
denn **K**riegs leut. **L**ast euch yhe nicht von vnd aus der  
schrift furen / wie grossen vleys sie daran keren / denn  
wo yhr da eraustrettet so seyt yhr verloren / so furen sie  
euch / wie sie wollē / bleybt yhr aber drynnen / so habt  
yhr gewonnen / vnd werdet yhr toben nicht anders  
achten / denn wie der fels / des meeris wellen vnd bul-  
gen achtet. **E**s ist eyttel wellen vnd weben was sie sch-  
reyben. **S**eyt nur gewis vnd on zweyffel das nichts  
hellers ist / denn die sonne / das ist die schrift. **I**st aber  
eyn wolck da fur getretten / so ist doch nichts anders  
dahynden denn die selbe helle sonnen. **A**lso ist eyn tun-  
ckel spruch yn der schrift so zweyffelt nur nicht / es ist  
gewis

/da wers  
pfeiffer  
er schrift  
ot der do  
prierster.  
heyst der  
das ist die  
vnd mü  
scheynen  
ol wo sie  
wordt ist  
ter.

ter nicht  
sie nicht  
en lieben  
n gehalt  
ehre das  
s mungen  
eln / sich  
den / dise  
August.  
cher eyn  
r bücher  
ero. **J**eh  
alten has  
er / denn  
cht yre /  
at glerw  
den / **S**ie  
aus der  
August.  
andern.

er vorfa  
reit




gewisslich die selbe warheit dahynden / die am andern  
ort klar ist / vnd wer das tuncel nicht verstehen kan /  
der bleyb bey dem liecht:n.

Die mit befeh ich euch Got / vnd sehet zu / das yhe  
vnternander den glawben auch ybet vnd vnser ding  
nicht alleyn vnn wortten schweben lasset / wer da hat  
der las den andern nicht / wer nicht hat / der verlas  
sich auff Gott / wie diser psalm sagt. Ich befeh ich  
alle / die euch das wort gottis furlegen / denn die seyn  
zweyerley eher werd / spricht S. Paul. Bitter auch  
fur mich / das ich eyu mal frum werd / denn das ich  
mus von euch seyn / wolt ich nicht den Papisten zu  
lieb / vnd vnsern herin Christo zu leyd thun / das ich  
mich drumbeyn harbreyt bekumern wolt. Ich byn  
von gottis gnaden noch so mutig vnd trotzig als ich  
yhe gewesen byn. Am leyb hab ich eyu kleynis geprech  
lin vbrkomen / aber es schadet nicht / Es solt billich  
bas mich beyssen / wo mir recht geschehen solt. Seyt  
getrost vnd furchtet niemand / Gottis gnade sey  
mit euch / **A D E N.**

















*[Faint, illegible handwritten text on the top section of the spine]*

371
















19. 17. 18



# Der sechs

